

金湯借箸目錄卷之五

制器部 有引

火攻

風候

器宜

鍊鐵

又方

又方

火藥方

地利

火戒 七款

製硝方

製礮方

炭灰論

朱平涵論火藥

王鳴鶴火攻問答

王鳴鶴鉛子論

神砲

佛狼機

佛狼機式

架佛狼機式

威遠砲

威遠砲式

鳥銃

製合鳥銃藥方

鳥銃全製圖

鳥銃分形圖

銃架

銃頭

搬軌形

側立形

側立裏面軌撐形

又鳥銃分形圖

附銃說

試銃

放銃

銃手

收銃

修銃

洗銃

教演

銃藥方

炸銃

炸藥法

王鳴鶴竹將軍

竹將軍式

裝藥彈形

竹將軍分形

火箭

火箭方

自然打成線眼式

箭頭式

射虎藥方

一窩蜂

一窩蜂式

油確

飛空滑水神油確式

散沙散豆

潑泥

毒藥

毒龍噴火神筒

毒龍噴火神筒式

滿天噴筒

滿天噴筒式

衝鋒追敵竹發煩

衝鋒追敵竹發煩式

毒火歌

附方

飛火鎗

震天雷

砲

總引

砲製

砲架式

礮石用人車起打去形

砲車

砲車式

礮石

礮石式

大礮

砲手

過砲

襄陽砲

弓

總引

大木弓

神臂弓

克敵弓

矢

總論

毒藥傳矢

弩

總引

連弩計六條

大黃弩

伏遠弩

馬上用弩

馬黃弩

攢射弩

弩以腰開為貴

破虜當兼用弩

鎗

神機火鎗

刀

倭

叉

總引

牌

牌兵拒虜

鎧甲

紙鎧

綿甲

重法

李之藻奏略

甲論

皮甲

金湯借箸目錄卷之五終

金湯借箸卷之五

京口 周鑑臺公用 輯著

淮南 李長科小有甫 較訂

同郡 王孟申元嶽甫 叅閱

制器部

費誓曰善穀乃甲冑敵乃干無敢不弔音的

也精至備乃弓矢鍛乃戈矛礪乃鋒刃無敢不善

今上以尅減為利下以苦窳為應豈非兵法
所謂器械不利以卒與敵者耶晁家令曰兵

此亦其大略
耳神而明之

火攻

器。不完利與空手同。甲不堅密與祖裼同。弩不
可以及遠與短兵同。射不能中與亡矢同。中
不能入與亡鏃同。此將不省兵之過也。輯制

風候

火攻之法以風為勢。風猛則火烈。火熾則風生。
風火相搏斯能取勝。故為將者當知風候。以月
行之度準之。月行於箕在天十度軫在天十度張在天

十七翼在天十度四星則不出三日必有大風數

日方止仰觀星宿光搖不定亦不出三日必有

大風日終而止黑雲夜蔽斗口風雨交作雲自

北方起者風大黑雲飛塞天河大風數日雲如

者名曰天

月暈而青色數圍必風無雨青主風黑主雨

豕渡河

日没黑雲相接來朝風作風來十里揚塵動葉

風來百里吹沙飄瓦風來千里力能走石風行

萬里力能拔木知風之時而善用之期萬戰而

萬勝矣

地利

火攻之法。上順天時。下應地利。曠野平川。遠擊者勝。叢林隘道。夾擊者勝。憑高擊下。其勢順。用重器猛火。以壓之。以下擊上。其勢逆。用銳器烈火。以噴之。彼此皆有火器。卒然而遇。不及成陣。其勢易亂。用遠器先擊者勝。彼此皆劄營寨。欲刳輜糧。先觀伏路。其勢易疑。用號器四擊者勝。城中擊外。當攻其堅。城外擊內。當攻其瑕。水戰必先上風。用器類於烟障蓬帆。必以藥制。使不

沾染風烟此應戰之策也苟不辨地利而用之
不得其宜未有不捨器而走徒資寇敵者也

器宜

火攻之法有戰器有埋器有攻器有守器有陸
器有水器種種不同用之合宜無有不勝其戰
器利于輕捷則兵不疲力而銳氣常充其攻器
利于機巧則兵可奮勇而移動不常其埋器利
于爆擊易碎火烈而烟猛用火砂水銀麻子油
則爆如豆粉擊賊其守器利於遠擊齊飛火長
透骨傷賊甚衆

而氣毒

用巴豆末砒霜神砂和飛火藥藏于其砲中以發之賊受其毒立時而斃

陸器利於遠近長短相間分番疊出將得其人而隨機應變則無不勝者矣

火戒

一遇古先帝王陵寢賢聖祠宇都邑閭巷輻輳之處用火攻之不但失崇道之體而仁民之心頓沒矣當戒一也

一賊擄掠吾民必思奇策拔脫民命玉石雜處不可遽用火攻不然。是謂之用我火而焚我

民也當戒二也

一內有驍智之將失身從賊歸正無機正當憐才諉令降順摧殘善類當戒三也

一萌甲方長鱗蟲始蛰赤地焚燒傷生甚夥喪德莫甚當戒四也

一風候未定地勢未審反風縱火禍莫大焉必須先據地險次候風色察而行政毋得妄發當戒五也

一藥品配合務貴精詳彼不得多此不得少應

多則多應少則少以意增減臨時候事當戒六也

一火攻之用全在相賊遠近早則置之空虛遲則禦之無及當戒七也

鍊鐵

製砲須用閩鐵晉鐵次之煉鐵炭火為上煤次之鐵在爐用稻草截細雜黃土頻灑火中令鐵屎自出煉至五六火用黃土和作漿入稻草浸一二宿將鐵放在漿內半日取出再煉須煉至

十火外生鐵五七斤煉至一斤方熟入爐時仍用黃土封合一以防灰塵一以取土能生金不致煉枯鐵之精氣

製硝方

硝性主直

每硝半鍋煮至硝化開時用大紅蘿蔔一箇切作四五片放鍋內同滾待蘿蔔熟時撈去用鷄卵清三箇和水二三碗倒入鍋內以鐵杓攪之有渣滓浮起盡行撇去再用極明亮水膠二兩許化開傾在鍋內滾三五滾傾出以磁盆盛注

此與前法大
同。小異。只不
用蘿蔔與水
膠耳。脩之。

用蓋蓋定。不可掀動。動即洩氣。硝中照滓不肯
隨水而出。放涼處一宿。看鎗極細極明亮。方可
用。若鎗不細。尚有鹹味。未可入藥。當再如前法
清提。

又方

硝用鷄蛋白煉。每十斤用蛋二箇。硝不潔者多
用數枚。先將雞蛋白水攪勻。訖。次將硝下鍋。水
高二指。復將蛋水傾入。大滾數次。則雞蛋雜硝
滓俱浮。鍋面以竹箴籬抄起。又用細麻布為濾

巾濾過復將前鍋洗淨再以濾過硝水傾入用文武火煮成冰塊將鍋放地上一日冷定則鹽沉于下硝浮上去鹽用硝研細聽用

周臺公曰驗硝不出三法鎗空極細色空極亮味空極淡如此硝更白但無亮光者渣滓未淨也以舌舐嘗味尚鹹澁者城鹽未清也二物最能滾珠為害不小但製硝之人每利尅減求硝盡淨所以極難但於呈驗之時卽令本人置硝掌中以火點放硝去而掌不熱

方為收貯。世豈有顧利而甘害其身者。是一
法法也。

提硝宜在二三八九月。餘月炎寒不空。或欲
急用。夏天入井。冬天放於煖處可也。

又曰。提硝用瓦烏盆。灑至一百斤。得三十斤
乃可作藥線。用熬熟桐油粘紙作藥線衣。過
水入地。無礙。

製磺方 磺性主橫

蘇油牛油各一斤。油既熱。乃以磺徐徐投入。隨

此法與前亦
大同小異但
前法先煎油
此法則油磺
同煮耳備之

投隨攪使磺速化投時勿使纖毫着鍋恐其發
火

又方

磺用生者佳先搥碎去砂土每十斤用牛油二
斤煮溶火不可太旺以木棍旋攪鍋底看磺溶
化時以麻布作濾巾濾在缸內則油浮于上磺
沉於下去油用磺研細聽用

炭灰論

炭灰須用柳條如筆管大者去皮去節取其理

直者用以燒灰入藥為上。清明前後採取。以此時柳葉將發未發。精脈盡聚枝上故也。北方柳木甚少。用茄桿灰蒿灰。瓢灰杉木灰以代之。不知草木中惟榆柳桑柘諸木火性更旺。諸木中又惟柳木枝幹直上。火性直走。餘皆枝幹曲折。文理縱橫。且質堅炭硬。火性不甚輕便。是以古人惟取柳木。尚須去皮去節者。以皮則多烟節。則逆炸故也。古法豈可輕改。杉木火力雖弱。其理尚直。其餘俱不可用。此方麻稽灰甚輕。桓可。

入發藥若作筒藥無力

火藥方

火藥別無方也但以上三者製造得法並分兩得宜而已

先將硝磺灰三種研極細末用水噴濕搗至一萬杵取出放在手心內然之火然手心不覺熱者方可用若覺火熱如前法再搗再試至不覺熱然後將藥用水和搗作劑晒乾再搗碎用極細密竹篩篩過上粗大者不用下細者不用止取如粟米一般者入統其大小者再如法製造蓋銃筒甚長細則下藥時盡粘筒上不得到底

粗。

太輝藥又不實大槩礮欲發火快炭欲作力大
硝取噴送遠全要精細亦須與搗硝之人先約
藥成即放其手心點試自然不敢苟且若研時
工夫不到硝礮滾為細珠不開火門必糊銃筒
雖搗到無用若搗時工夫不到烟焰薰眼火不
輕快雖研到無用若研搗工夫俱到自然渾化
不但渣滓俱淨面氣息亦盡去矣再加銃筒光
滑毫無罅礙即終日舉放亦無他虞

右三種細細製煉照後方秤準明白然後和勻

放在銅鑲木臼內用銅包木杵搗之復將酸菓
汁破雨水或泉水不時洒濕使搗有力搗藥之
人須澤勤慎者莫使毫釐砂土入藥內恐搗熱
之際石能生火亦不可犯鐵器鐵易生火也藥
搗萬杵後試放略無渣滓烟起白色快且直者
始妙卽以粗細夾篩篩過粗者成珠在上細者
在下用樹下日色照乾不可用暴日慮日中有
火也照乾後以內外有鈇磁罈收之如日久有
濕氣再取酸菓汁破雨水泉水洒濕搗過如前

點放自然遠到矣。

朱平涵論火藥

火藥重在提硝潔淨。硝有上中下三等。上等百斤提至九十斤。次者提至八十斤。下者七十斤。必鹹味去盡。搗極細。試然紙上。著火無滓。方妙。火銃藥乾結成塊。經年不碎。雖久冒霧雨。放之雄烈。遠去百步。入火箭火磚諸器之內。雖二三年可用。則提之至淨。故也不者。雖藏之極密。吐濕盡廢。無用矣。

王鳴鶴火攻問答

北虜之地有硝而無磺東倭之國有磺而無硝
兩廣川貴之地亦間有其一而不得兼故皆不
得火器之妙惟我中國兼而有之故用之以為
長技國初私販硝磺之禁固嚴而火器私學
之禁尤嚴我

太祖自平羣兇之後火器收之于神機庫庫曰
神機言不欲輕泄也雖邊鎮總兵亦不得私藏
私置蓋謂此無敵之器不敢輕用亦不容人人

曉其制度而私相授受也。但使藥無法，分量少，差不惟不效，而且害事。昔余練兵陝西，有閫司督造火藥，分發各兵，始而試放不响，既而火响，損銃主者莫知其故，疑而問余。余曰：有說也。南方火藥對定分兩，皆加水舂，其硝磺與灰三者合一，皆如菉豆子大。臨時入銃甚易，無崩塞之患。今所造止將三者碾細耳，并未入水舂過。各兵又不能分定分量，或用紙筒，或用竹筒裝乘，以便聽用，而乃總入一大皮袋裝了。兵係馬兵，

終日馬上撞節其硝與磺性重而沉底灰性輕而上浮初放者灰也故多不响既放者硝磺也磺多則銃損此理甚明又何疑焉客曰思深哉敢問南方之製何如答曰南方之製硝用水膠或腥物提淨磺不用底灰或柳或杉各有分量濕柳乾柳性有緊慢之別紅杉白杉情有遲速之殊尤當知焉而新葫蘆與舊瓢蒂性亦不同至於茄桿灰苧蔴桿灰其說甚多而銃之有聲無聲皆于此中分別分量既定當用水舂之約

藥一斤。用水二碗。乾時更入頭料燒酒一碗。舂如綠豆子大。擎于掌上。火升而手不熱。斯妙矣。舂之不細。則有白點落手中。尚能傷手。豈止熱也。如藥至手。擎不熱。裝入銃內。豈有後坐之理。烏銃不後坐。而照星又對準焉。有不中之理。所謂器精在藥精也。

鉛子論

王鳴鶴

客曰。銃不後坐。專係于藥乎。答曰。此其一也。又在銃眼平底。則不後坐。少高一分。則後坐矣。客

曰製藥已精而銃眼又平仍復不中何也答曰
對未真也客曰對真而又不中何也答曰此鉛
子之病也鉛子之法銃猶弓也鉛子猶矢也弓
良而矢直無不中也今學銃之人全不知用藥
若干則可送動幾錢鉛子猶如弓幾個力氣能
發動幾錢箭如稱衡稱錘務要相配少差則不
準矣余舊有歌曰子重于藥則多半落藥强于
子火鎔子死子藥相停更合管門子門同圓藥
力氣全門大子小藥氣上燎子或偏歪出之必

垂子被火使決無中理習者知之等于弓矢此
數言雖俚能盡火器之妙

神砲

神砲出自紅毛夷國今廣東濠鏡澳夷亦能造
之此實天意假手澳夷以固我金湯者前廣東
所解頗少以未有處置澳夷故廣東不敢擅而
夷目不肯應也今邊疆如此則需用尤甚宜請
敕書一道宣諭澳夷咨兩廣總督擬價酬之庶
多多益善而我封疆皆堅壁矣

佛狼機

顧應祥云。佛狼機國名也。非銃名也。正德丁丑。予任廣東僉事。署海道事。驀有大海船二隻。直至廣城懷遠驛。稱係佛狼機國進貢。其船主名加必丹。其人皆高鼻深目。以白布纏頭。如回回打扮。查大明會典。並無此國入貢。具本叅奏。朝廷許之。起送赴部。時武廟南巡。留會同館者將一年。今上登極。以其不恭。將通事明正典刑。其人押回廣東。驅之出境去訖。其人在廣久好讀。

佛書其銃以鐵爲之。長五六尺。巨腹長脰。腹有長孔。以小銃五箇輪流貯藥。安入腹中放之。銃外又以木包鐵箍。以防決裂。海船舷下每邊置四五箇於船艙內暗放之。他船相近經其一彈。則船板打碎。水進船漏。以此橫行海上。他國無敵。此器曾於教場中試之。止可百步。海船中之利器也。守城亦可持以征戰。則無用矣。其一種有木架而可低可昂。可左可右者。中國原有此制。不出於佛狼機。每座約重二百斤。用提銃三

長七尺為妙
五尺為中再
短則不堪矣

箇每箇約重三十斤用鉛子一箇每箇約重十兩其機活動可以低可以昂可以左可以右乃城上所用者守營門之器也其制出於西洋番國嘉靖年始得而傳之


戚繼光曰此天下通有之利器今所以重圖者舊製之未盡精微也其妙處要毋銃管長長則直而利遠子銃在腹中要兩口對合則火氣不泄子銃後方用半筭轉入者每放時多擊出子銃數丈傷人必用鐵門者佳其妙處在今添出

前後二照星。後柄稍從低。庶不得托面。以日照對。其准在放銃之人。用一目眇看後照星孔中。對前照星。前照星孔中對所打之物。又子銃內用木馬。後下鉛子。苟子馬俱大。則難出。出則力大。要坐後。而人力不能架之。若子小。則出口鬆而無力。歪斜難准。今法止用鉛子。入藥之後。卽以子下口。用凹心鐵送桿打下。入口一寸。卽入母銃放之。此法既省下木馬煩難之功。又出口最易。而且鉛子合母銃之口。緊急直利。便速成。

功凡鑄銃之法子銃口大則子難出要破母銃
母銃口大而子銃口小則出子無力且歪務要
子母二銃之口圓徑分毫不差乃爲精器也
舊以平頂爲送桿將鉛子打扁出則不利今
製鐵凹心送子一根送子入口內陷八分子
體仍圓而出必利可打一里有餘人馬洞過

佛 狼 機 式

此亦起春對
照星




妙在此

妙在此



架佛狼機式

卷之五




威遠砲

每位重百二十斤。舊製週圍鐵箍徒增斤兩。無益實用。點放亦不準。今改爲先素名威遠砲。惟於裝藥發火著力處加厚。前後加照星照門。千步外皆可對照。每用大鉛子一枚。重三斤六兩。小鉛子一百。每重六錢。對準星門。墊高一寸平。放大鉛子遠可五六里。小鉛子遠二三里。墊高三寸。大鉛子遠十餘里。小鉛子四五里。闊四十餘步。若攻山險如川廣各關。砲重二百斤。墊高

五六寸用車載行大鉛子重六斤遠可二十里
視世之千里雷九輕便此砲不炸不大後坐就
近手可點放

威遠砲式

重二百斤照前量加尺寸



高二尺八寸底至火門高五寸火門至
 腹高三寸二分砲口徑過二寸二分重
 百二十斤火門上有活蓋以防陰雨



照星

火門

鳥銃

西洋鳥銃其製甚精今廣東澳夷與近海之民俱倣而造之獨官司不能取耳其銃長六七尺孔竅甚巧發之直而利遠射的百發百中且一函九子以九子連發可殺人于百步之外洞穿堅壁一彈可殺數人勝奴之弓箭數倍實一可當百者倘造數千函以爲搗巢先鋒仍募粵兵教習練成一隊則強于壯兵十萬矣

製合鳥銃藥方

硝 一兩 黃 一錢四分 柳灰 一錢八分

通共硝四十兩 黃五兩六錢 柳灰七兩二錢 用水二鍾 椿得絕細爲妙 秘法 先將硝磺炭各研爲末 照數兌合一處 用水二碗 下在水杓木杵 椿之 不用石杵者 恐有火也 每一杓 椿可萬杵 若椿乾 再加水一碗 又椿以細爲度 椿之半乾 取日晒 打碎成荳粒大塊 此藥之妙 只在多椿 數萬杵之工 大都如製墨相類 若添水 椿至十數次者 則將一撮 堆于紙上 用火燃之 藥去而

紙不傷如此者可入銃矣再試之將人手心擎藥二錢燃之而手心不熱爲妙但燃過仍有黑星白點及手中心燒熱者卽是不佳仍前再加水椿之如式方止


倭製火銃其藥極細以火酒漬製之故其發速又人善使故發必中中國有長技而製之不精與無技同謂宜嚴督製造務令中法更熟演之何憂乎不敵耶倭銃發每無聲人不防類能洞甲貫堅諸物難禦惟是廣中所

產鰾膠。形如掌片。堅勁異常。較之浙中所產者不同。用釘連綴。施于木架。造爲防牌。鉛彈始不能透。亦一策也。

鳥銃全製圖

後門

重六斤五斤尤
妙棚杖每根重
三兩火繩每根
長二丈重三兩




縛轉

左轉則入
右轉則出

銃復既長如鉛子在內
或尅火門等項取開後
門絲轉以便修整

鳥統分形圖

火門 前口




必以容重三錢鉛子只至
腹底乃合式不容三錢鉛
子者不堪口大腹小者不
堪口小腹大者不堪

銃架

銃頭

身全銃鳥托口上此




糊杖即插入架內者是也杖頭有大簷每遇銃放完過夜恐其中藥滓化湯夜歸以湯醺布如錢纏在杖頂有簷處帶入腹內洗銃藥子須用杖送至其底

此乃銅條折回


此敵龍尾

此銅條折回
上出二
片以避
外張
龍尾不




搬軌

側立



側立裏面軌撐形



龍頭等凡銅皮俱要厚

此乃為木架內搬軌勾
過用右手無力名指頭
搬此則此軌之頭退入
皮內龍頭落而火發

又鳥銃分形圖



附銃說

一神氣之用非弓矢可比弓矢必巧力俱全方能命中殺敵神器巧力自俱全不因人床機照星已備其巧長筒精藥已備其力但得執器之人知其巧力所在因而用之器之能事畢矣

試銃

一試新舊神器用藥切不宜卽着本等分兩譬如常時着藥三錢者且先着一錢再添二錢再添三錢用彈又試冬天鐵冷卽堅厚亦怕驚迸

常用銃亦當用半藥噴過方可打放。試小器只
須避之樹後。或用籐牌護身。若佛狼機鷹揚砲
須築極厚土牆鑿開一隙置筒於中。如前法著
藥。若大將軍須置地坑中。用走緣試放。非過計
也。恐萬一失事。無知士卒因而氣餒。放銃時神
氣疑阻不暢。

一久不打之銃砲。恐其驟打而炸也。它地窖丈
餘。先用火燒坑。其銃使砂石打洗。內外淨入坑
中。內以泥塗覆薪燒煉。俟其冷取出。復用桃艾

湯洗以牛或羊猪血塗内外仍入坑煉之方用
放銃

一放銃發機全要凝神定氣手準眼疾右眼對
照門照門對照星照星對敵對把此不易之法
但銃十無四五正準者或偏左或偏右或上或
下銃手必須時令服習人知銃性庶便臨陣擊
打出征帶藥幾何可令浪費臨陣裝藥甚難可
令浪放無論遠近必須一彈一賊方肯發機

銃手

一神器手必得短小伶便手疾眼快膽壯有力者爲上切不宜用粗蠢大漢及氣弱之徒

收銃

一神器不問陣上并教場中放畢時卽將銃筒取出堵住火門用滾水灌滿筒膛待水添入螺螄旋中然後用搨杖裏布刷洗倒去渣滓再用滾水將筒膛衝淨以紙團搨乾直立高處候筒內無熱氣再以紙搨乾火門用香油抹螺螄旋裝安停妥如銃常日所用火藥分兩裝飽收不

近燈火處所。春夏每月要收拾二次。秋冬每月一次。不肯收拾。必繡住。繡二三年。雖精堅之筒。必致損壞。

修銃

銃筒輕長。用火。或爲他物壓彎。或爲木床帶累。屈曲。出彈定然不準。須于放畢收拾時。仔細一看。銃筒少有歪斜。卽將墨線自照凹眼起。直至照星分中處。將線一彈。曲直立見。卽將銃烘熱。放厚板凳上。用木錘顛直。將線再彈。如筒薄用。

可筒鐵條一根。以紙包裹。放在膽內。庶免打扁。
銳筒。試看舊銳。不用圓筒。專做八稜。各國烏銳。
圓筒者。必磋平上面。是爲彈線計也。如係木床。
彎曲。將木床調直。床筒俱歪。一併整理。

洗銳

銳一也。有三發之後。或藥下自燃。或致迸炸。有
放至十銳。猶然可用者。何也。答曰。此銳膽光與
不光。火藥精與不精。使然爾。若銳不知鑽礮。膽
內坑坑坎坎。藥又不精。火經再發。藥渣盡出。膽

內坑坎之處急裝後藥前火未滅自然舉發。膽有坑坎。又不知刷洗。卽刷洗未必去淨。一經潮濕。筒必蝕壞。坑坎處日深一日。漸至透漏。安得不炸。

教演

火器旣精。必當盡法教演。置堅厚木牌一座。高五尺。闊一尺。油黑色。中小紅圓牌一面。徑五寸。初放打由五六十步。漸至百步。及百餘步外。以次漸加。中牌者破格厚賞。

銳藥方

硝六斤

磺一斤

灰一斤

炸銳

周臺公曰丁丑子從史中丞與賊戰瀟山一卒
闔死賊得其銳并火藥鉛彈大喜馳去明日還
以攻營大戰竟日擊傷官軍頗衆蓋虜賊所畏
惟我神器近日皆思効我所長及以制我子意
欲因其勢而利道之用生鐵雜砂鉛鑄成各樣
銳式磺性主橫用之爲君炭灰用樹節燒令存

性滿裝炸藥兼藏毒砂毒火在內佯爲棄遺令其却去若來攻我必先自傷後雖得吾真銳亦不敢用矣

炸藥法

用硝一斤疏磺半斤柳木炭一兩六錢石黃一兩六錢雄黃八錢研爲細末用燒酒半斤調均仍前判如菖荳大臨用之際每一斤加汞二兩一云每鍊鐵紅時使人醋浸脆面可碎

竹將軍

王鳴鶴

客曰近日有新製竹將軍者聞有七利可得聞
歟答曰竹將軍卽竹發楨雖木亦可爲之亦調
之木發楨北方謂之千里勝其器雖一發而壞
不似銅鐵崩毀能傷人其利一敵人得去不可
再用其利二每位通計工價不過七分費廉工
省一刻可就其利三無難取之物隨地可造其
利四體輕可以遠負其利五易於分佈易於捨
擯其威猛與銅鐵相等能威敵心能壯吾膽其
利六南北水陸無所不安匠不論工拙皆能造

其利七對壘立陣防營守城無不可者但安藥信并製藥又與別器少異不然則橫出多而直出少矣智者自能默會客曰默會一言吾已明之矣

用猫竹圓厚者長四尺許將圓鑿開通其節止留頭節作底節後留一尺四五寸用一木柄柄頭照竹節凹凸之形直抵竹節處週圍用四釘大牙樣釘之以苧蔴打成辮或三股繩自柄至口緊緊纏固傍節底上先置潤黃泥二寸以一


分厚殼筒口大鐵錢一箇蓋泥上。傍錢上開一藥線眼。先將雙藥線引入四五寸。直透上爲妙。方入藥一斤。看竹之大小增減。已入藥用木桿輕輕築實。少用紙團或乾土實之。又將一分厚殼竹筒圓大鐵錢一箇鑽眼如蓮房式。置藥上方。以殼筒口大圓石彈一箇置鐵錢上。或再加碎生鐵小鉛彈於錢上。更妙。若單用石彈則蓮房式鐵錢不必用矣。以徑寸粗柴二根長三尺許。縛成杈架之。取其便也。對敵舉放。若欲遠則

稍昂其頭如敵近在二三百步外只消平架放
去柄尾須以大石塊抵住防其後坐人在側立
卽不用亦可惟麻繩圓石子鐵錢鐵釘火藥竹
火門油灰及製造之器斧鋸圓鑿等項預備多
帶軍中卽隨地立刻可造其體甚輕每兵可擔
十數位而威力則猶在佛狼機上發時響聲震
地其力可及七八百步之遠故以將軍名之尊
其威也

竹將軍

裝藥彈形

木蓋



石彈
鐵房蓮
火竹
鐵光
錢




竹將軍分形



鐵蓮房錢厚一分
置藥上送鉛子生
鐵如單用石彈則
不必用此





光鐵錢
殼口大
置泥土



粗榮架專取
其便行即縛
在一處放下便
可為架



木蓋殼竹
口大外加
油紙或柿
漆封固



石彈殼竹只大



竹火門用油灰抵
訖方用藥線盤
在竹眼用油紙或
柿漆封固



此處有
麻線式

火箭

火箭亦水陸利器其功不在鳥銃之下但造者無法放者無法人鮮知其利也大都造法有二或造成或鑽鑽線眼或用鐵桿打成自然線眼但鑽不如打成者妙然鑽易而打者難故匠人多不肯用打成之法不知肯縻全係于線眼眼正則出直不正則出斜眼太深則後門泄火眼太淺則出而無力定要落地槩以每個五寸長言之眼須四寸深桿要直而去頸二寸稱平翎

要勁羽長而高。箭筒須用礮紙間以油紙。夏不走硝。可留二年。

火箭方

硝十兩


磺三錢

灰三兩五錢


右三味研極細。拌微濕。每下藥一匙。初打百錘。第二匙加二十錘。已後照數遞加。再每筒打至三千七百方。遠而有力。筒卷要極堅。藥線須用麻稽灰。他灰不得透上。以藥分為十分。鑽至六分則止。多則鑽頂出火。不妙。

南方之製多聚百枝或三五十枝裝入木籠
 內名曰一窩鋒又曰火籠少者九枝曰九龍
 筒或其狀差小者名曰湧箭馬上亦可施放
 各立名色甚多其實一而已矣

自然
 打成
 線眼



箭頭式



以上裏形也

箭頭式。中脊要厚。兩刃要長而利。為佳。頭上縛火藥至妙。

卷之五

射虎藥方

取生鮮草烏或一二斗洗去土砂再用羅盛入
脚端去黑皮以內肉白爲度搗碎用布濾窄出
汁汁乾爲度去渣不用用磁盆澄汁盆底下有
粉去粉不用約于清汁有十碗用四碗入鍋內
煎一滾起沫用篾片刮去沫傾入磁盆內再將
存六碗生汁入前熟汁內一順攪勻露一宿明
早取澄清汁散分碗內下澄渣粉不用量汁多
寡以碗大小盛之放日中晒至午時又取澄清

汁下澄渣粉不用晒至晚如前取澄清汁再用
薄綿紙鋪罩籬內濾過渣不用第二日第三日
如前晒法澄法紙濾去渣粉每日晒時用竹片
從碗底挑起順攪晒此法不致上熱下生之故
也至第四日晚濾稠藥存留勿去另用碗盛露
一宿取澄汁用底下存硬稠者不用第五日入
總晒至六七日各碗漸少減歸各碗晒時觀看
碗弦上起沙點子面上結冰有五色雲象其色
紅黑如香油樣歸總磁盆內放淨處陰四五日

聽用再用磚砌一爐高二尺週圍大可容藥盆
放內中為度爐中從地上一尺五寸用木物架
盆於上爐上空五寸用布物蓋於藥盆之上不
致烟透走爐旁取一火門如鵝卵大從地起高
三寸外用炭火十數塊并櫪戚柴又名繫條又
名規戚又用皂角花椒同燒烟令烟入火門內
燻藥盆熱藥面上結成冰是火候好矣約燻一
個時候其結冰要厚如冰薄再燻厚則除火取
藥出令冷收入磁瓶內封固聽用如冬天寒冷


用絮物包放煖處勿令凍省如夏天炎熱放清涼處勿令潮壞如冬凍省如夏潮壞出沫用磁盆盛如前法上爐燻之藥熟即止或將藥上於箭上用皂角花椒烟燻之如舊前藥晒時如遇日色太緊晒一二日又要露一宿如日色淡緩不必露也初做藥之日觀天色清明即用烏頭如前法製之如晒一二日有雨照前燻藥爐上只用炭火烘熱盆為度攪勻又放一二日候晴再照法晒之烏頭取來不可堆厚恐爛壞必要

濕地下攤開。又不可風吹乾了。無汁即取。即搗
為妙。其藥製完。放瓶內封固。日久下澄。有稠者
如砂糖樣。挑起取用。上箭最快。箭到身上。不滿
數步即斃矣。此藥名為晒藥。比燻藥更妙。或人
誤中藥箭。用松毛搗調冷水服之。或香油服之。
如不及。自溺泥中。和泥漿水服之。如旁有人用
口啣水。吸箭傷處吐之。不致藥散走。封喉也。其
藥忌見香油。如入一點香油。藥即解。無効。其性
有三飛。見血飛。見油飛。見水飛。造藏甚忌。

一窩絳

其狀如鳥銃之鐵幹而短其管口比鳥銃口稍寬容彈百枚燃藥則彈齊出遠去四五百步夫鳥銃所發止傷一人此銃一發百彈漫空豈止數十人乎力量與佛狼機並稱矣但佛狼機器重難帶此器輕於鳥銃以皮條綴之一人可佩而行戰時以小鐵足駕地昂首二四寸蜂尾另用一小木椿釘地止之誠行營之利器也


一 窩 蜂 式



油礮

用鵝鴨雞蛋盡去其黃和以桐油將磁礮注滿
掩塞其口將細繩為絡使膂力勇士持之約離
賊船二三大許擲入擊碎四散流溢兼以風波
洶湧滑不可立器不得施況油沿船板惹火易
焚我兵更於上風或揚神砂以迷其目或縱神
火以衝其陣或舉火砲以突其鋒固雖微法小
技而取勝之功則甚大矣為將者慎無輕忽而
略之可也

飛空滑水神油確



散沙散豆

吳越王鏐遣其子傳瓘擊吳。吳人拒之。戰于狼
山。及船舷相接。傳瓘使散沙于已船。而散豆于
吳船。豆為戰血所漬。吳人踐之。皆僵仆。因縱火
焚吳船。吳兵大敗。

潑泥

嘉靖間倭寇猖獗吳郡。時賊掠民舟。揚帆過黃
天蕩。官軍無敢抗者。鄉民憤甚。歛河泥。船數十
隻追之。以泥潑其船頭。倭足滑不能立。而舟人

皆躡草屨用長脚鑽能及遠倭覆溺者甚衆
散豆潑泥尚能成功則滑油之用似為過之
矣

毒藥

毒烟之入人也耳目口鼻其實四為毒甚于藥
今輒置不講何也彭天祥火龍書無不精備雖
其人以他事去試倣其制而盡其長何以誘賊
而使之必趨何以錮賊而使之必受何以蓄烟
而使之暴發何以留烟而使之能久何以伏兵

要截而使之突烟犇潰者不得免竊謂此烟賢
于十萬師矣


景泰三年國子監學錄黃明善疏陳禦寇事
宜內請用毒毬行烟謂毒毬所薰口眼出血
行烟所向咫尺莫辨

毒龍噴火神筒

截竹為筒約長三尺以貯毒火爛火藥懸於高
竿之首令壯士持至城堦口中乘風發火烟焰
撲人掩賊面目鎖賊孔竅竚立不定昏眩仆倒

毒龍噴火神筒式

蟻附而登。內外相應。隨將利器。繼之破之。必矣。



滿天噴筒

截中樣竹二節外用膠布重箍藥用硝黃砒霜
班毛缸子礮砂膽礬皂角銅綠用椒半夏燕糞
烟煤石灰斗蘭草草烏水膠大蒜得法分兩製
度磁砂與田沙炒毒綁於長鎗頭上燃火守城

滿天噴筒式



衝鋒追敵竹發煩

用茅竹截筒長三尺。先用冷火之藥浸透。以芴其性。使不染火。為度。外以鐵線纏之。再用牛筋麻裹。瓦灰灰之。晒乾。生漆漆之內。裝發藥五升。次裝磁鋒一觔。俱用砒黃巴豆。硃砂等藥炒製。再用神砂三合。毒火一合。裝畢。上用黃泥塞其口。口上用鐵箍箍之。堅木為柄。柄長二尺。裝實聽用。

衝鋒追敵竹發煩式



矣。人有獻策者，以鐵繩懸震天雷順城而下，至掘處火發，人與牛皮皆碎，迸無跡。

周臺公曰：火器約數百餘種，以愚意觀之，與其博而罔效，不如少而致精。與其行吾所疑，不如行吾所明。故集中止取以上數種，足以備用而已。

又曰：我朝之兵，初以火器強，繼以火器弱。蓋火器不過濟勝之具耳。若全恃此以為勝術，則出奇制勝之方，先發制人之策，反因此

砲

總引

消磨埋沒盡矣。是以一或不效，便望風奔潰。與屍之辱，每每坐此。皆繇全恃火器一籌，不展之過也。予每恨之，聊識此以發人深醒耳。

砲本作礮。甘延壽傳投石絕等。倫張晏曰：范蠡立法飛石重十三斤為機法，行三百步。唐李密傳以機發石為攻城其即此砲也。有單稍雙稍七稍等類，然大同小異。今存兩種以例其餘。覽

毒火歌

黑砒先擣巴霜浸毒氣冲人嘔見心乾漆晒乾
乾糞炒松香艾朮更均停雄黃一味爲君主透
徹光明用一觔石黃諸味各四兩四六火藥配
分明裝入砲中攻打去破散冲鋒更殺人

附方

石黃燒酒浸麻酒
炒晒乾爲末

雄黃

雌黃

黑砒

蘆花

艾朮

松香

豆末

銀杏葉

乾糞

巴霜

硝火

硫黃

箬灰

柳灰

飛火鎗

蒙古圍汴。金用飛火鎗注藥。以火發之。輒前燒
十餘步。人不敢近。

震天雷

金有火砲名震天雷者。用鐵罐罐盛藥。以火點之。
砲起火發。其聲如雷。聞百里外。所熱圍半畝。以
上火點著鐵甲。皆透。蒙古攻金時。為牛皮洞。直
至城下。掘城為龕。間可容人。則城上不可奈何。

後數圖用法了然矣

砲製

兵家有礮石未見其製奢賊叛時有一小卒獻其製十朱巡撫旁用二柱各七尺埋土三尺五寸架橫木一根中段粗大鑿一圓眼以木貫之末段繫長繩七尺一頭緊纏一頭活機置石于筐前段用繩不拘若干條每繩用人不拘若干名但以能舉其箱為率待其勢急方放活機其石自然飛去所向人馬無不齏粉自高打低靡

砲架式


不中者試之立效



此蠅尾套在
稍頭掛之

每繩長如稍之
體不必拘定者
于條但能舉其
稍可矣每繩用
二人扯之

此處轉




此繩人墜起礮自發
石去

此處安大石子
不拘數現亦不
拘方圓平厚蠅
尾既掛一人雙
手墜石俟前扯
起放去周臺
公曰如箭方離
弦必後手扣緊
出始有力耳此
礮訣也

礮石用人車起打去形

礮法武經雖載而獨行礮車架者甚明鮮人
悟之故重開明其勢守城第一器也既省火
藥之費又有不竭之資



砲車

大木為牀。下施四輪。上建獨竿。竿首施籬筐木。
上置砲。稍高下約。城爲準。推移往來。以逐便利。


砲 車 式



颺石

此圈石掛上打去石發圈落用一握竹長五尺
繩繫頭作杙貯石搖勢一擲而去守城宜用
周臺公曰此式見兵鏡予童子時好爲此戲
發之果遠

颺石式



周臺公曰勢
太重致去不
其遠所以賊
止退營于數
十步外耳

大礮

史思明逼太原李光弼即撤民屋為擡石車車
二百人挽之作大礮飛巨石一發輒斃二十餘
人賊死者什二三乃退營于數十步外

砲手

宋孟宗政權棗陽軍金人來犯宗政募砲手擊
之一砲輒殺數人

過砲

蒙古攻金洛陽強伸創過砲用不過數人能發

大石于百步外所擊無不中

襄陽礮

亦思馬因西域人善造礮世祖時與阿老瓦丁同至京師從攻襄陽未下亦思馬因相地勢置礮于城東南隅重一百五十斤機發聲震天地所擊無不擢陷入地七尺宋呂文煥遂以城降元人渡江宋兵陳于南岸擁舟師迎戰元人於北岸陳礮以擊之舟悉沉沒後每戰用之皆有功

弓

丘瓊山先生曰。今民間多有知其制度者。宜行天下。俾民間有傳其式樣者。許具其圖。赴官投獻。給賞。

周臺公曰。以上數種。皆稱利器。或倣其式。或會其意。造之以為威天下之具。可也。故存其說于右。

總引

弓人為弓。取六材。必以其時。六材既聚。巧者和。

之幹也者以為遠也角也者以為疾也筋也者
以為深也膠也者以為和也絲也者以為固也
漆也者以為受霜露也得此六材之全然後可
以為良

王昭禹曰弓所以及遠者其方在幹弓所以
疾發者其勢在角角幹資筋以為堅韌以射
則中深三者得膠然後相合以為和結而固
之在絲飾而堅之在漆

凡為弓冬折幹而春液角夏治筋秋合三材膠

漆也寒奠

讀為定

體冰折灑

漆灑也

冬折幹則易春液

角則合

讀為合

夏治筋則不煩

也

秋合三材則合

堅密也

寒奠體則張不流

猶移也

冰折灑則審

猶定也

環春被弦則一年之事

用

謂俟一暮之久而後可

丘瓊山先王曰五兵之用惟弧矢之利為大

上而天文戈戟及矛皆無其星而弧矢之象

特懸於宮蒼之上易之制器尚象五兵之中

獨言弧矢是兵莫大於弓矢也今造自州縣

往往備物以塞責造完而進於內帑苟具其

數不求其良。積以歲月。質損而體變。一旦有事。出以為用。多有不堪。因而誤事也多矣。請自今以後。凡造弓州縣。計其歲所當造之數。俾其具物料工費解官。朝委有巧計臣僚。專督製造。仍行下出產弓材之處。俾其取材。必以時擇材。必以良。而司工者又必依傍古法。順天之時。隨物之性。用人之能。如此則弓無不良矣。

周臺公曰。若所委之人。不肯實心任事。惟圖

射利塞責庸愈于有司乎。虜中軍器上皆有
元監造官姓名年月。若有損壞致誤使用者
即將元監造官依法施行。斷不輕恕。所以虜
中器具一一精好。火烈人畏。惟在重法而已。
大木弓

陳球守零陵。弦大木為弓。羽矛為矢。引機發之。
遠射千步。

丘瓊山先生曰。此大水弓。木後世無有可依其
法製之。以為守城塞之具。

神臂弓

宋大觀中吳擇仁奏神臂弓實乃天授以甚利之器徽宗御筆調射遠攻堅所向無前可謂利器使敵人習而能之非中國利令民間不得習製

克敵弓

宋高宗紹興中詔有司造克敵弓弓乃韓世忠所獻者命殿前司閱習詔能貫甲踰三石弓施二十矢者造秩一等帝謂宰執田此弓最為強

勁雖被重甲亦須洞徹若得萬人習熟何可當也

丘瓊山先生曰自古弓弩之製其最善者漢稱大黃唐稱伏遠宋之神臂克敵其最也其製略見於史謹錄於此使后世留心邊事者或因其名而得其遺法想像而造之以為中國之長技是亦禦邊衛民之助也

矢

總論

丘瓊山先生曰大抵矢之為矢不出乎幹羽二者而已。幹之強弱則欲適其中。羽之豐殺則欲適其節。前弱則矢行而低。後弱則矢行而裝中。弱則矢行而曲。中強則矢行而起。此強弱之尖中也。羽太多則矢重。其行必失於緩。羽太少則矢輕。其行必失於急。此豐殺之失節也。欲眡其豐殺之節。宜以指夾矢而搖之。以約其輕重。欲眡其鴻強也殺之稱。宜以指撓其幹而曲之。以審其強弱。其製矢既有其量。其眠矢又有其法。

此其器所以無不良而用之所以無不宐也

毒藥傳矢

漢明帝永平中北匈奴攻金浦城耿恭為戍已校尉以毒藥傳矢語匈奴曰漢家箭神其中創者必有異虜中矢者視創皆沸大驚匈奴相調曰漢兵真可畏也遂解去

丘瓊山先生曰今唐鄧山居者以毒藥漬矢以射獸應弦而倒謂之毛胡盧元末因用其矢為兵立毛胡盧萬戶府耿恭所用毒藥傳

弩

矢蓋此類也。又聞廣西猺獞所用弩矢，皆傳以藥中人，濡縷即死。比唐鄧者，尤毒。宜取其方付邊城，以為毒箭，是亦禦虜之一技也。說者多謂西北地寒，而藥性不行，恐不可用。然耿恭用之，金蒲城豈非沍寒之地耶？

總引

一切火器利仰利平，惟弩利俯。則守城莫善于弩矣。

連弩

李陵發連弩射單于

諸葛亮性長於巧思損益連弩謂之元戎以鐵
為矢長八寸一弩十矢俱發

魏司馬懿征公孫淵軍至遼東為發石連弩射
城中

唐李元諒節度隴西築連弩臺

唐盧耽節度西川為大旛連弩南詔憚之

宋真宗幸澶州王師成列李繼隆等伏勁弩分

據要害周文質部下以連弩射殺撻覽

丘瓊山先生曰古人攻戰以連弩取勝者多矣今連弩之製不可考說者謂古時西蜀弩兵尤多大者吳踰連弩十矢謂之群鴉一矢謂之飛鎗通呼為摧山弩即孔明所謂元戎也今具其法如此萬一有巧思者出因其名而想其意度以復古人之制是亦攻守之一助也

大黃

李廣將四千騎出右北平。匈奴左賢王將四萬騎圍廣。廣為圍陳外向。胡急擊。矢下如雨。漢矢且盡。廣令持滿毋發。而廣自以大黄射其裨將。殺數人。

伏遠弩

唐玄宗擇宿衛勇者為番頭。習弩射。又有羽林軍飛騎。亦習弩。伏遠弩自能弛張。縱矢三百步。馬上用弩。

宋太宗至道二年。上部分諸將王超丁罕等討

李繼遷是時馬上用弩遇賊則萬弩齊發賊不能措手足而遁凡十六戰而抵其巢穴

馬黃弩

宋楊存中以為克敵弓雖勁而士病蹶張之難乃增損舊製造馬黃弩製度精密彼一矢未竟面此發三矢矣

丘瓊山先生曰昔人謂弩者中國之勁兵四夷所畏服者也古有黃連百竹八擔雙弓之號絞車弩張馬弩之差後世亦有參弓合蟬

手射小黃皆其遺法。蓋射堅及遠，爭險守隘，怒聲勁勢，遏衝制突者，非弩不克。

攢射弩

漢虞詡為武都守，令軍中彊弩勿發，而潛發小弩。羗兵急攻，使二十彊弩共射一人，發無不勝。

丘瓊山先生曰：五兵之利，莫利於弓弩。自漢以來，弩之取勝者，比弓為多。虞詡守武都，遇有急攻，使二十彊弩共射一人，此非但可施。

之於弩而弓矢之利亦宜依此用焉此即俗
所謂攢射也宜申諭軍中習為攢射法臨陣
之際寇中有驍勇出掠陳者攢矢而射之蔑
不中矣

弩以腰開為貴

中國之利器曰弓與弩自漢以後虜弓日強遂
不可復及惟弩之用為最弩之力腰開者可十
石蹶張者可二三石古所云弓之強者不及也
晉馬隆平樹機能猶藉腰開弩至宋而其法不

傳故武經所載黑漆黃鞞跳鎧等弩皆蹶張也。斛子沐子等弩雖最強然費人多可以守不可以戰也。宋末始有神臂弩其法亦蹶張而稍勝之。遂以破虜本朝劉司馬天和用之而其法始傳。又有各克敵弩者即跳鎧也。今苗人皆用弩然強而不便宣湖射虎用竹弩木弩者皆藉力於藥未可謂之強也。又有諸葛弩可置十矢以次發東南人喜用之然力輕而不能傷人近世程宗猷得古銅機斟酌竹弩而為古弩則勝之。

矣宗猷又自以其意合古人之說而為腰開弩
強者可十石下者亦可七石此千載久廢之器
復啓於斯人奇已此以出湘潭張和仲經世挈
要惜予未識程宗猷耳
近自蹶張弩成人皆趨便然致遠洞堅必竟腰
開有穿石摧壁之勢若使力弱者用蹶張力雄
者仍用腰開二器兼施亦覺曲盡

破虜當兼用弩

古人用萬弩齊發勝敵今試以寡論之假令弩
手三百人先用百人弩已上箭已搭列於前名

為發弩。再用百人。弩已上。箭已搭。列於次。名為
進弩。再又用百人。列於後方。上弩搭箭。名為上
弩。先百人發弩者。發完退後。以次百人進弩者
上前。變為發弩。以後百人上弩者。上前變為進
弩。以先百人發完者。退後。變為上弩。如此輪流
發矢。則弩不致竭。而可斃虜於百步之外矣。大
抵虜之長兵一。今我既用弓矢。又用火鎗。而又
復用古人之弩。是我之長兵三也。以一制三。虜
騎卽欲衝突。能乎。此最勝之策也。

神機火鎗

神機火鎗者用鐵為矢鏃以火發之可至百步之外捷妙如神聲聞而矢即至矣永樂中平南交人所製者尤巧命內臣如其法監造在內命大將總神機營在邊命內官監神機鎗蓋慎之世歷考史冊皆所不載不知此藥始於何時昉於何人意者天祚國家錫以自古所無之神器歟然士卒執

此鎗而用之也。人持一具。臨時自實以藥。一發之後。倉卒無以繼之。敵知其然。凡臨戰陳。必伏其身。俟我火發聲聞之後。卽衝突而來。請自今以後。凡火鎗手。必五人為伍。就其中擇一人。或二人心定而手捷。目疾者。專司持放。其三四人者。互為實藥。番遞以進。專俾一人司放。或高或下。或左或右。應機遷就。則發無不中者矣。其視一發卽退。心志不定。而高下無準者。有間矣。又宜用紙為爆。其聲與火鎗等者。每發一鎗。必連

刀

放三五紙爆或前或後以混亂之使敵不知所避如此則其用不測而無敵於天下矣

倭

倭國每生兒親朋歛鐵相賀卽投於井中歲取鍛鍊一度至長成刀利不可當今勲衛之家世武爲業而家無銳刃愚意亦宜倣此箕裘弓冶不足爲笑也

出智囊

父

總引

考古之及長丈二而無刃略如今俗所謂木棍者古人用於車上故宜長今用於步軍手執以擊馬足宜與人相稱古作八稜今宜於人手所執處為圓形而於其半至末為八稜備此一器以擊虜馬之足蓋亦不咸宋人用麻札刀也狼牙棍乃格鬪第一利器八面鋒稜鎗刀有時鈍拆而棍獨縱橫不壞凡有膂力者即可使無他妙巧必久而後習也

牌

世傳棍法有三曰少林棍曰俞家棍曰蔣家
大棒惟蔣家大棒爲最

牌兵拒虜

夷虜所恃者惟弓與馬而我之罷駑不能當其
電掣我之弱鏃不能當其兩箭利鈍甚相懸也
昔兀朮拐子馬惟岳武穆得以制之無非砍其
馬足已耳請練牌兵以拒之浙兵多用團牌面
形短不能蔽體卽西兵用挨牌而性剛不能當

鏃。惟粵東之長牌。以沙桐木爲之。包以皮革。則其質輕。舞運可以如意。其性柔。箭鏃不能破裂。粵兵演牌。左手執牌。右手持刀。可以蔽人體。可以砍馬足。與烏銃夾隊。列爲前鋒。真破奴之上策也。粵東先年征黎。黎之弓箭更勁於奴。而長牌勝之。確有明證。

鎧甲

紙鎧

紙鎧起於唐宣宗時。河中節度使徐商。劈紙爲

之勁矢不能入商有功五世孫也

甲論

周禮有函人之職司馬法有甲士之制馬燧以
短長三等製造鎧衣士皆賴以避鋒鏑全肢體
稱大小便進趨也比征錄云造甲之法步軍欲
其長馬軍則欲其短弩手欲其寬鎗手則欲其
窄用有不同制亦應異若拘於定式昧於從變
肥者束身太緊甲身則可周後背而前胷不交
甲裙則可閑後膺而前胯不掩瘦者掛體太寬

挽弓發箭則甲不貼體而胃臆綳撲有斷弦脫
筭之憂揮劍刺鎗則甲不付身而腰背鬆虛有
抵手礙足之患長者不過膝腕而矢石可及短
者垂及脚面而泥濘不前小有不便則拆去甲
棄而遺棄不收大有所妨則割去全段而拋擲
不顧製作之難費耗之廣不幾於徒費乎故君
子必謹其微於制作之初也

綿甲

以綿花七斤用布盛如夾襖麕毳線逐行橫直縫

緊入水浸透取起鋪地用脚踹實以不胖脹為度曬乾收用見雨不重黴黥不爛烏銃不能大傷

紙甲

用無性極柔之紙加工鉗軟疊厚三寸方寸四釘如遇水雨浸濕銳箭難透

皮甲

廣西造皮甲法生牛皮裁成甲片用刀刮毛以破碗舂碎篩取米大屑調生漆傳上油浸透則

利刃不能入

重法

李之藻奏略

按工部李之藻奏其略云 國家武備極弛乃
至脩理年例二十年來不講而又浮慕節省之
名不究實際之用器以節省愈恣苦窳今何時
哉在京者將擐甲以登陴解邊者且摩厲以待
戰自非畀以堅甲銛戈勁弓强弩迅猛神奇之
火器技不精膽不壯驅使入陣空殺無辜是以

國僥倖也。臣願自今軍需修造悉遵舊估不妨
稍寬其值以盡其用。估務充不務儉。器貴精不
貴多。庶幾制一器獲一器之用而不以卒與敵
乎。至於作奸冒破法在必懲更須申飭赫連勃
勃之治軍器也。以弓射甲射不貫卽斬弓人射
貫卽斬。函人今六曹分秩笞杖不得擅擬極大
奸猾叅送之後每從輕釋人亦何憚而不玩法
以漁利哉。當此用兵之日一器不精卽戕一卒
之命必須造器之時卽鑄官匠姓名送營之後

試驗不堪坐名鞭貫臨敵悞事必斬以徇治軍
器叅用軍法理或宜然則亦庶知倣乎

誠恐不博主名歟
然則亦庶知保子

